

tužilačkog vijeća Bosne i Hercegovine 12. i 13.02.2014. godine, glavni tužilac Tužilaštva/Tužiteljstva Bosne i Hercegovine donosi

**PRAVILNIK
O IZMJENAMA I DOPUNAMA PRAVILNIKA O
UNUTRAŠNJOJ ORGANIZACIJI TUŽILAŠTVA BOSNE
I HERCEGOVINE**

Član 1.

U Pravilniku o unutrašnjoj organizaciji Tužilaštva Bosne i Hercegovine ("Službeni glasnik BiH", broj 36/13), u članu 47. pod a), naziv pozicije "Stručni savjetnik - pravnik - šef Kabineta glavnog tužioca" mijenja se i glasi: "Stručni savjetnik - saradnik - pravnik - šef Kabineta glavnog tužioca".

U istom članu, pod b), naziv pozicije "Stručni savjetnik - pravnik - zamjenik šefa Kabineta glavnog tužioca" mijenja se i glasi: "Stručni savjetnik - saradnik - pravnik - zamjenik šefa Kabineta glavnog tužioca".

U istom članu, pod c), iza teksta "Broj izvršilaca:", oznaka brojem i slovima "2 (dva)", zamjenjuje se brojem i slovima "6 (šest)".

U istom članu, pod d), iza teksta "Broj izvršilaca:", oznaka brojem i slovima "1 (jedan)", zamjenjuje se brojem i slovima "3 (tri)".

Član 2.

U članu 49. pod d), iza teksta "Broj izvršilaca:", oznaka brojem i slovima "50 (pedeset)", zamjenjuje se brojem i slovima "60 (šezdeset)".

Član 3.

U članu 62. pod c), iza teksta "Broj izvršilaca:", oznaka brojem i slovima "3 (tri)", zamjenjuje se brojem i slovima "4 (četiri)".

Član 4.

U članu 64. pod b), iza teksta "Broj izvršilaca:", oznaka brojem i slovima "4 (četiri)", zamjenjuje se brojem i slovima "7 (sedam)".

U istom članu, pod h), ispred posljednje alineje, dodaje se alineja kako slijedi:

" - Upravlja motornim vozilom za potrebe Tužilaštva,."

Član 5.

U članu 67. pod c), iza teksta "Broj izvršilaca:", oznaka brojem i slovima "41 (četrdeset i jedan)", zamjenjuje se brojem i slovima "51 (pedeset i jedan)".

Član 6.

U članu 69. pod a), ispred posljednje alineje, dodaje se alineja kako slijedi:

" - Upravlja motornim vozilom za potrebe glavnog tužioca, zamjenika glavnog tužioca, tužilaca, ostalih zaposlenika i druge potrebe Tužilaštva,."

Član 7.

U članu 71. pod b), u nazivu pozicije, iza riječi "budžet", dodaje se zarez i tekst, "investicije i projekte", a iza teksta "Broj izvršilaca:" oznaka brojem i slovima "1 (jedan)" zamjenjuje se brojem i slovima "2 (dva)".

Član 8.

U članu 73. pod d), iza riječi "Cisco mrežne opreme", stavlja se zarez i dodaje tekst "položen stručni upravni ispit".

U istom članu, pod e), iza riječi "TCP/IP protokolom", stavlja se zarez i dodaje tekst "položen stručni upravni ispit".

Član 9.

Ovaj Pravilnik stupa na snagu osmog dana od dana objavljivanja u "Službenom glasniku BiH".

Broj A-624/13
19. februara 2014. godine
Sarajevo

Glavni tužilac
Tužilaštva/Tužiteljstva BiH
Goran Salihović, s. r.

**USTAVNI SUD
BOSNE I HERCEGOVINE**

249

Ustavni sud Bosne i Hercegovine u plenarnom sazivu, u predmetu broj **AP 5161/10**, rješavajući apelaciju **Novaka Đukića**, na temelju članka VI/3.(b) Ustava Bosne i Hercegovine, članka 59. stavak 2. alineja 2, članka 61. st. 1. i 2. i članka 64. stavak 1. Pravila Ustavnog suda Bosne i Hercegovine ("Službeni glasnik Bosne i Hercegovine" br. 60/05, 64/08 i 51/09), u sastavu:

Valerija Galić, predsjednica
Tudor Pantiru, dopredsjednik
Miodrag Simović, dopredsjednik
Seada Palavrić, dopredsjednica
Mato Tadić, sudac
Constance Grewe, sutkinja
Mirsad Čeman, sudac
Margarita Caca-Nikolovska, sutkinja
Zlatko M. Knežević, sudac
na sjednici održanoj 23. siječnja 2014. godine donio je

ODLUKU O DOPUSTIVOSTI I MERITUMU

Usvaja se apelacija **Novaka Đukića**.

Utvrđuje se povreda članka II/2. Ustava Bosne i Hercegovine i članka 7. Europske konvencije za zaštitu ljudskih prava i temeljnih sloboda.

Ukida se Presuda Suda Bosne i Hercegovine broj X-KRŽ-07/394 od 6. travnja 2010. godine.

Predmet se vraća Sudu Bosne i Hercegovine, koji je dužan po žurnom postupku donijeti novu odluku sukladno članku II/2. Ustava Bosne i Hercegovine i članku 7. stavak 1. Europske konvencije za zaštitu ljudskih prava i temeljnih sloboda.

Nalaže se Sudu Bosne i Hercegovine da, sukladno članku 74. stavak 5. Pravila Ustavnog suda Bosne i Hercegovine, u roku od tri mjeseca od dana dostavljanja ove odluke obavijesti Ustavni sud Bosne i Hercegovine o poduzetim mjerama izvršenja ove odluke.

Odluku objaviti u "Službenom glasniku Bosne i Hercegovine", "Službenim novinama Federacije Bosne i Hercegovine", "Službenom glasniku Republike Srpske" i "Službenom glasniku Distrikta Brčko Bosne i Hercegovine".

OBRAZLOŽENJE

I. Uvod

1. Novak Đukić (u daljnjem tekstu: apelant) iz Banjaluke, kojeg zastupa Dušan Tomić, odvjetnik iz Sarajeva, podnio je 22. studenog 2010. godine apelaciju Ustavnom sudu Bosne i Hercegovine (u daljnjem tekstu: Ustavni sud) protiv presuda Suda Bosne i Hercegovine (u daljnjem tekstu: Sud BiH) br. X-KRŽ-07/394 od 6. travnja 2010. godine i X-KR-07/394 od 12. lipnja 2009. godine. Apelant je dopunio apelaciju 5. siječnja 2011. godine, 25. travnja 2011. godine, 9. listopada 2013. godine i 4. prosinca 2013. godine. Apelant je 9. listopada 2013. godine podnio zahtjev za donošenje privremene mjere.

II. Postupak pred Ustavnim sudom

2. Na temelju članka 22. st. 1. i 2. Pravila Ustavnog suda, od Suda BiH i Tužiteljstva Bosne i Hercegovine (u daljnjem